

# BERITA HARIAN 18 DISEMBER 2013

© RABU 18 DISEMBER 2013

BH

SIDANG DEWAN UNDANGAN NEGERI PERLIS

## Ajaran sesat di IPT dipantau

» Langkah bagi bendung penyebaran terutama di institusi ada pelajar luar negara

Laporan Diyanah Anuar  
diyanah@bh.com.my

► Kangar

**K**erajaan Perlis akan memantau dengan serius kegiatan ajaran sesat yang dipercayai turut berleluasa di institusi pengajian tinggi (IPT) di negeri ini.

Pengerusi Jawatankuasa Agama Islam Perlis, Khairi Hasan, berkata pemantauan Majlis Agama Islam dan Adat Istiadat Melayu Perlis (MAIPs) bukan saja membabitkan penuntut khususnya dari negara berfahaman berbeza daripada Ahli Sunnah Wal Jamaah tetapi juga terhadap petugas akademik seperti pensyarah yang mungkin menyebarkan ajaran sesat di IPT.

Katanya, langkah itu diambil bagi membendung amalan dan penyebaran ajaran sesat yang dikatakan turut berkembang menerusi IPT, terutama yang mempunyai



Khairi pada Sidang DUN Perlis yang diadakan di Kompleks Dewan Undangan Negeri.

[FOTO ELZAIRI SHAMSUDIN / BH]

penuntut dari negara Asia Barat dan India.

### Buat intipan

"Ini sebahagian usaha yang kita lakukan selain intipan terhadap pengajuran ceramah, wacana dan tindakan penguatkuasaan secara berterusan," katanya ketika menjawab soalan tambahan Datuk Ismail Kassim (BN-Tambun Tulang) men-

genai langkah pemantauan dan penguatkuasaan pihak berkuasa negeri terhadap penyebaran ajaran sesat terutama syiah di IPT.

Sebelum itu, Asmaiza Ahmad (BN-Chuping) mengajukan soalan asal mengenai usaha kerajaan negeri membendung fahaman yang memesongkan akidah umat Islam.

Khairi (BN-Mata Ayer) berkata,

“Aktiviti mereka tidak dilakukan secara terang-terangan dan ada masanya apabila pihak berkuasa membuat serbuan, mereka tidak mengaku mengikuti fahaman sesat bagi mengelak ditangkap”

**Khairi Hasan,**  
Pengerusi Jawatankuasa  
Agama Islam Perlis

dalam menjalankan tindakan penguatkuasaan atau penangkap pihak berkuasa menghadapi cabaran dari segi mendapatkan bukti kukuh kerana kebanyakan kegiatan kumpulan ajaran sesat dilakukan secara sembunyi.

"Aktiviti mereka tidak dilakukan secara terang-terangan dan ada masanya apabila pihak berkuasa membuat serbuan, mereka tidak mengaku mengikuti fahaman sesat bagi mengelak ditangkap.

"Oleh itu, kita perlu mendapatkan bukti yang benar-benar kukuh untuk mengenakan tindakan undang-undang ke atas golongan ini seterusnya menghalang ajaran terpesong ini daripada tersebar," katanya.